



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

8. Dies Maii. Vanus error hominis, & inanis cultus dignitatis, fulgere purpura, & sordescere mente. Minutius Felix in Octavio.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

insidiæ. Si intemperanter nimis indulges sentibus, pungetur anima sentibus. Ad hæc utere totius corporis membris ut infimis mancipiis; quidquid illis ultra cibaria, onus, virgam tribuis, abusus est. Subesse illis, honori est, animo salutis est. Quo occupantur constantius, fructificant uberius. Quibus est consilium excolere animum, nunquam nisi necessitate compulsi, habent cum corpore commercium. Memineris corpus esse cinerem, coloratâ pelliculâ involutum, quem in deposito habes, ut cinerem cineri reddas. Ita in antiquo epitaphio vas cinerum dicitur homo à Poëta:

*Dic homo, vas cinerum, quod confert flos facierum:  
Cogit quid rerum? mors ultima meta dierum.*

## 8. DIES MAII.

Vanus error hominis, & inanis cultus dignitatis, fulgere purpura, & sordescere mente. *Minutius Felix in Octavio.*

Luxus vestium

**U**T in usu vestium serves modum, proderit supra modum exponere verba D. Chrysostomi (a) *Difficile difficile inquam est, fortasse & impossibile, corpore ornato, simul ornari animam.* Hinc nulli ferè est exquisitus corporis cultus, quàm quibus animus est incultus. Comptulus, & comatulus, idem plerumque est & sordidulus. Ardor venustus capillitii, probitatis est probum;

(a) *In 1. ad Corinth. 6. Hom. 7.*

Majus.

Tessera.

349

brum, naturæ opprobrium: odores in vestibus, gemmæ in auribus, annuli in digitis, aucupes sunt libidinis. Nimiis ornatus vestis, sæpè animo est restis. Hinc plerumque dum corpus exornas, animam exaromas. Ut Tertulliani, sic & hoc tempore, hominibus, (a) *Et Milesioves tudent & seres, arbores nent, & Tyrutingunt, & Phryges insuunt, & Babylonii intexunt, & Margaritæ candent, & Ceramania coruscant, & ipsum aurum de terra prodit. Omnis jam nostra cura est de vestibus, si bene oleat, si pes laxa pelle non folleat.* (b) Ut Hieronymus. Quod nobis, qui sumus supra belluas, cum vestibus belluat? In vestibus enim (teste Asterio) (c) *Videre est leones, pantheras, ursos, iavros, canes, sylvas, saxa.* O in gloria gloria, quam homo mutuatur à bestiarum exuviis!

II. Hoccine est viri, mulierum ritu aromata, odores, pulvillos, exotica rosâ fartos, odoriferosque circumferre? fragrare ubique musco mure, & domestico veluti præconio, effœminati animi morbura enuntiare? purpurisso vultum inficere, stibio oculos pingere, superfluum pallii ac tunicæ jactationem, cingulum exquisita arte confectum, stridentes soccos habere, non homini est ad ornamentum, sed ludibrium. Juvabit hîc audire ex ore aureo verba aurea, sed contra vestium cultum, ferrea. (d) *Primi Christiani semel ut in certamen ingressi sunt, vestes exuerunt, nos autem insanientes, cum vestibus certare volumus. Idem facimus, ac si quis athletam pulvere aspersum, nigrum, nudum, & oleo, sudore, ac luto simul deformatum.*

(a) De habit. mul. c. 1. (b) S. Hieron. Epist. 22.  
(c) Hom. de divi. & Lazar. (d) Chrysost. Serm. 7. 177.  
acta Apost.

matum viderit; ipse unguentum olens, acceptis sericis, at aureis vestibus, & stola usque ad corrigias calcei demissa, & aureo ornatu in capite, ingressus se immittat, & Tempus adest certaminis, tu autem sericis indueris: tempus est exercitationis, tempus studii, tu verò quasi ad pompam te ipsum ornas? & quomodo vinces? Miles qui non auro, non pictura, non lapidibus pretiosis, sed scuto divulso, fractâ galeâ, hebetè gladio, & facie vulneratâ cernitur, laude est dignus.

III. Non ergò glorieris corporis amictu, sed virtutum apparatu; aliàs illâ te gloriâ privabunt, tineæ, vestium carnifices. Et estnè Christiano materia gloriæ, quem gignunt bestiolæ, videlicet vermes, & bombyces? Si fulgeat in humeris coccus, debes pisci; si in tergore splendidum pallium, debes ovibus; si in pectore gemmæ, debes ostreis; si in pedibus cothurni, debes vaccis, & bobus; si in tibiis serica tibialia, debes bombycibus. Abjicis te infra bestias, si inde superbias, quæ accepisti à bestiis. Certum est argumentum animi inculti, ubi vides excessum in corporis cultu, Aristotelis testimonio? (a) *Vir ille pulcher est, qui & labores bellicos sustinere queat, & ita jucundus aspectu est, ut simul etiam, dum viderit, terreat.* Fucatus ornatus, elaboratus cultus, ascititia elegantia, metreticius nitor, histrionicus habitus, studium decoris, immundæ sunt munditiæ. Tales gestant mortuam animam in feretro deaurato, & vario schemate depicto, teste D. Chryostomo; (b) *Molles, dissoluti, fornicarii, corporis munditiam curant, jugiter olentes unguenta, sepulchrum ornantes. Sepulchrum enim eis est corpus, animam verò intus habent mortuam.* Sic sæpè

sub

(a) 1. Rhet. ad Theod. 1. (b) Chryf. Hom. 36. Ad popul.

Majus.

Tessera.

351

sub veste attalica, serica, odorifera, latet anima cada-  
riferam, Illud sufficere pro corpore, si nec ad invidiam  
splendeat, nec ad contemptum sordet: sit vestis ad  
usum, non ad cultum, obliget hæc dicta Poëta.

*In vestimentis non est sapientia mentis;  
Qui nimium curat cultus, sit pauper adultus.*

## 9. DIES MAII.

Curiosus interna despicit, præterita non  
respicit, præsentia non inspicit, futura  
non prospicit. *S. Bernardus in serm.*

Curiosi- I.  
tas circa  
aliena.

**Q**uis non accuset curiosum, &  
non condemnet curiosita-  
tem; illum ut vitiosum, hanc  
ut vitium? utpote qui cum ea  
quæ illius intersunt, nec despiciat, nec inspiciat, nec  
prospiciat, dignus sit quem nullus suspiciat, dignissi-  
mus quem quivis despiciat. Proprium est curioso esse  
suarum rerum incurium, esse studiosum, ut vitam co-  
gnoscat alienam, desidiosum ut corrigat suam: otio-  
sum esse in necessariis, negotiosum in supervacaneis,  
feriari ut inquirat seria, occupari ut intelligat futilia.  
Quæ porticus est, quæ officina, quæ fori pars, in qua  
dies curiosi non traducunt integros? obtundunt alio-  
rum aures infinitis quæstionibus, mentes interroga-  
tionibus, magno audientium studio, temporis dis-  
pendio. Quid vis investigare, quæ præstat ignorare?  
Omnis ineruditus, idem est & curiosus: estque para-  
tior ad inquirendum quam capaxior ad intelligen-  
dum.